

"A Berlina"

A quatr'ori di matina,
Ni parti da PORTI VECCHJU
Di PANIGHI la Berlina
Lucenti com'unu specchju
Ni porta li passaghjeri
Tanti Corsi che Stranieri

E comu prima stazzioni
Subitu avem'à SOTTA
Diversi so li parsonni
Vinuti da tanti loci,
Cun paquet'e cun balisgi
Ghjuvanell'e barbi 'risgi.

E Lisandru senza gena
Toca l'acciliratori,
Munitu cu la sirena,
Ghjir'intondu lu mutori
Tuttu cuntornend'à CAGNA
Si dirighja par muntagna.

Cuddendu par BURAVONU
A l'odori di lu pinu,
Si traversa lu vangonu
Di la furesta di SPINA,
Prutetu da Cristofilu
Varca lu coll di BACINU.

O tamant'è l'alligria
Chi prestu sem'in ORONU,
Chi da CARBINI a LIVIA
Arranghjanu lu stradonu
E di veda cosa strana
Ni rid'ancu natachana.

Da LIVIA a SAN GAVINU
ZONZA ven'in cusiquenza
Si ghjugni à fa lu spuntinu
A lu salamu di QUENZA,
Cullà si trova di tuttu
Casgiu merzu e bon prisutu.

A l'odori di la vervena
Frisca come nev'alpina,
Si ghjugni in SCUPAMENA,
Rispirendu l'aria fina,
L'acqua fresca di u vengonu,
U ligori di u cantonu.

D'issu locu mi ramentu,
A u bel tempu ghjuvanili
Senza distingu'u mumentu
A u fior lu verd'aprili,
Locu di tanta dolcezza
D'amor'e di cuntitezza.

Da lu vecchju castagnu,
D'AUDDE si va in PITRETU,
Si traversanu li bagni,
LAMASINA incu GRUSSETU,
Sott'a l'arburu frunduti
No semu li binvinuti.

Quandu si salta la boca
Di SAN GHJORGHJU l'ustillieri,
Ma comu senza paura
Si po part'à lu stranieri,
E Lagendu a funtanedda,
Si va in CAVRU e PISCIATEDDA.

Attachend'à rimpianata
Quidda di CAMPU DI L'ORU,
Fem'una bedda cantata
Cun tutti quissi tinori
E ci fem'una risata
Fin'a l'intrata d'AJACCIU.

In cumpagnia di PANIGHI,
Guardatu cun'attinzioni,
Malgradu tutti l'intrighi,
Semu stati gran'lioni,
Pidavemu la dicizioni
Di cantav'issa canzona...

GHJUVANNI MARCELLESI DI CARBINI